

Fjölskylduvernd 1

Upplýsingaskjal um váttryggingu

Sjóvá-Almennar tryggingar hf.

SJÓVÁ

Skilmálar nr. 202 og Almennir skilmálar nr. 001

Hér er tekið saman hvað tryggingin innifelur og hvað er undanskilið. Upptalningin er ekki tæmandi en nánari upplýsingar um trygginguna, s.s. váttryggingarfjárhæðir og eigin áhættu má finna í [skilmálum hennar](#), [Almennum skilmálum](#) félagsins og á tryggingarskírteininu. Þú getur farið inn á [Mitt Sjóvá á sjova.is](#) til að nálgast þessar upplýsingar.

Hvers konar trygging er þetta?

Fjölskylduvernd 1 er samsett trygging fyrir innbúið og fjölskylduna þína sem innifelur innbústryggingu og ábyrgðartryggingu. Þú getur líka bætt við innbúskaskó og slysatryggingu í frítíma.



Hvað er tryggt?

Innbústrygging bætir tjón á innbúi:

- ✓ Vegna bruna.
- ✓ Vegna vatns sem streymir úr leiðslum hússins.
- ✓ Vegna innbrots, ráns eða þjófnaðar.
- ✓ Ef matvæli í kæli- og frystiskápum skemmast vegna bilunar eða rafmagnsleysis.

Ábyrgðartrygging bætir kostnað:

- ✓ Vegna skaðabótaskyldu sem getur fallið á þig samkvæmt lögum.
- ✓ Sem þú þarft að greiða vegna tjóns sem börn þín yngri en 10 ára valda þó svo að þau teljist ekki skaðabótaskyld vegna aldurs.

Innbúskaskó (valkvæð trygging) bætir tjón á innbúi:

- ✓ Vegna skyndilegra, utanaðkomandi orsaka.

Slysatrygging í frítíma (valkvæð trygging) greiðir bætur vegna:

- ✓ Slysa sem verða í frítíma þínum.
- ✓ Slysa sem verða við keppni í íþróttum þar sem almenningi gefst kostur á þátttöku án kröfu um lágmarksgetu og færni.



Hvað er ekki tryggt?

Innbústrygging bætir ekki tjón vegna:

- ✗ Bruna á því sem tilheyrir sjálfri fasteigninni, til dæmis tjón á gólfefnum, innréttingum og hurðum.
- ✗ Þjófnað úr íbúð sem skilin hefur verið eftir ólæst og mannlaus.
- ✗ Vatns sem þrýstist upp úr skólpleiðslum nema það verði rakið til þess að leiðsla stíflast eða springur innanhúss.

Ábyrgðartrygging bætir ekki kostnað sem fellur á þig:

- ✗ Vegna skaðabótaskyldu sem myndast við atvinnu þína.
- ✗ Vegna tjóna á hlutum sem þú hefur á leigu eða að láni.

Innbúskaskó bætir ekki:

- ✗ Framleiðslu- og útlitsgalla.

Slysatrygging í frítíma greiðir ekki bætur vegna:

- ✗ Slysa sem verða við fjallaklifur eða köfun.
- ✗ Slyss sem verða í vinnu eða á beinni leið á milli vinnustaðar og heimilis.



Eru einhverjar sérstakar takmarkanir á tryggingunni?

- ! Tryggingin bætir ekki tjón af völdum náttúruhamfara eða tjón sem orsakast af stríði, hryðjuverkum, mengun eða viðlíka atburðum.



Hvar gildir tryggingin?

- Innbústrygging gildir á heimili þínu, sem skráð er á váttryggingaskírteinið.
- Ábyrgðartrygging og Innbúskaskó gilda á Íslandi og á ferðalagi erlendis í allt að þrjá mánuði.
- Slysatrygging í frítíma gildir hvar sem er í heiminum.



Hvaða skyldur hef ég?

- Þú þarft að tilkynna tjón eins fljótt og kostur er og ekki síðar en innan árs frá tjónsdegi.
- Þú þarft að sjá til þess að allar upplýsingar á váttryggingarskírteininu séu réttar.
- Þú þarft að tilkynna okkur um breytingar á heimilisfangi, símanúmeri og netfangi.
- Þér er skylt að fara eftir varúðarreglum í skilmálum, t.d. að dyr, gluggar og önnur op inn á váttryggingarstað séu tryggilega læst og lykjar geymdir þannig að óviðkomandi hafi ekki aðgang að þeim.



Hvenær og hvernig greiði ég iðgjaldið?

Iðgjaldið á að greiða á gjalddaga. Við útgáfu eða endurnýjun tryggingarinnar stofnast rafræn krafa í netbanka. Þú átt kost á að dreifa greiðslum iðgjaldsins með eftirfarandi hætti:

- Boðgreiðslu, þar sem iðgjaldið er skuldfært mánaðarlega af kredit- eða debetkorti.
- Beingreiðslu, þar sem skuldfært er mánaðarlega af bankareikningi.



Hvenær tekur tryggingin gildi og hvenær lýkur henni?

Tryggingin tekur gildi frá samþykkt tilboðs og endurnýjast árlega þar til henni er sagt upp.



Hvernig segi ég tryggingunni upp?

- Einstaklingar og fyrirtæki með færri en fimm stöðugildi geta sagt tryggingum upp hvenær sem er og falla þær þá niður í lok þarnæsta mánaðar frá því uppsögnin berst. Önnur fyrirtæki geta sagt tryggingum upp með mánaðarfyrirvara fyrir lok tryggingatímabilsins.
- Uppsögn þarf að vera skrifleg, t.d. með rafrænni undirskrift.